

欽定四庫全書薈要

集部
總集類

吉林出版集團有限責任公司
海天出版社

目次

書名	卷次	頁次	作者
御選元詩	卷五三―卷八〇		清・康熙四十八年聖祖仁皇帝御選
卷五三 七言律詩一二		四四八―一	
卷五四 七言律詩一三		四四八―二四	
卷五五 七言律詩一四		四四八―四三	
卷五六 七言律詩一五		四四八―六六	
卷五七 七言律詩一六		四四八―八九	
卷五八 七言律詩一七		四四八―一二二	
卷五九 七言律詩一八		四四八―一三六	

書名	卷次	頁次	作者
卷六〇		四四八—一五八	
五言長律一			
卷六一		四四八—一八〇	
五言長律二			
卷六二		四四八—一九七	
五言長律三			
卷六三		四四八—二一七	
五言長律四			
卷六四		四四八—二三五	
七言長律			
卷六五		四四八—二五〇	
五言絕句一			
卷六六		四四八—二七〇	
五言絕句二			
卷六七		四四八—二九二	
七言絕句一			
卷六八		四四八—三一二	
七言絕句二			

書名	卷次	頁次	作者
卷六九 七言絕句三		四四八—三三四	
卷七〇 七言絕句四		四四八—三五四	
卷七一 七言絕句五		四四八—三七七	
卷七二 七言絕句六		四四八—三九六	
卷七三 七言絕句七		四四八—四一六	
卷七四 七言絕句八		四四八—四三五	
卷七五 七言絕句		四四八—四五六	
卷七六 七言絕句		四四八—四七八	
卷七七 七言絕句		四四八—五〇〇	

書名	卷次	頁次	作者
卷七八 七言絕句 卷七九 六言詩 卷八〇 雜體		四四八—五一九 四四八—五四〇 四四八—五六〇	

欽定四庫全書薈要

集部
御選元詩卷五十三

欽定四庫全書薈要卷一萬八千四百六十五

集部

御選元詩卷五十三

七言律詩十二

錫演

張植翁自鳳陽還錢唐賦此以寄

一別於今已五年關河風雨夢相牽
羨君老有驚人術愧我貧無使鬼錢
淮雁南來斜作字楚江東下直如弦
子雲罷獻長楊賦頭白歸來草太玄

欽定四庫全書

御選元詩

卷五十三

秋晚溪行懷張孔叔

松下涼風吹客衣隔溪煙樹晚依依
山空不見孤雲返落日惟看倦鳥歸
世上黃金交態薄酒邊白髮故人稀
別來陡覺成疎闊况復蕭蕭落葉飛

送王廷桂還姑蘇

紫馬嬌嘶踏軟沙闔閭城裏客還家
雨添秋水灣灣碧風趁江雲片片斜
惜別緩斟紅麴酒傷心况對白蘋花
雁驚暮角高飛去先帶離聲過館娃

詳校官原任主事李斯咏

劉玉汝

九江逢故人

九江江水抱城迴，洶湧回濤亦壯哉。
雨散淮濱隨地足，雲移廬阜向天開。
曳裾鄒子長為客，待詔公孫已擢魁。
邂逅他鄉急呼酒，樓頭今日早秋來。

黃璋

懷青城先生

虞郎落落不羈客，端如野鶴混雞群。
興來甫里一杯酒，

欽定四庫全書

御選元詩

卷五十三

二

與埽匡廬九疊雲，遺史尚未丞相事。
從孫能輯翰林文，杜陵秀句多家法。
春樹初生每憶君。

王原傑

震澤鎮

村市蕭條數十家，扁舟夜泊傍蘆花。
江空歲晚歸心切，水遠山長去路賒。
帶水野田鳴落雁，連雲煙樹繞昏鴉。
勞生徒負燈窓志，只合西園學種瓜。

劉倩玉

中秋對月

十年對月干戈裏，忍向尊前更浩歌。
光滿又逢新節序，影微難驗舊山河。
霓裳猶記開元曲，桂籍空懷進士科。
矯首廣寒宮闕近，欲將消息問嫦娥。

盛景年

和汪以敬

白髮將軍少健強，經旬寂寞臥空床。
涉江問病出城早，下馬入門聞藥香。
深院雨晴蒼蘚合，小樓人散綠陰涼。

欽定四庫全書

御選元詩

卷五十三

三

家書不到看春暮，昨夜新裁白苧裳。

朱斌

題秀野軒

昔年曾作軒中客，今日重題秀野詩。
四檻彩雲晴縹緲，遠牆蒼雪曉參差。
雨餘山氣侵茶鼎，風過林香落酒卮。
念我松楸渾咫尺，倚闌長是不勝思。

元愷

德風亭詩

亭下雙旌拂綠莎花邊五馬繫鳴珂挽回天籟秋聲早
浸澈雲階月色多公退不妨同坐嘯吏閑猶可共吟哦
阜財解慍南風操時逐絲桐入浩歌

危臺高壓古城闌門外青山畫不真好客每懸徐孺榻
浣人常避庾公塵槐陰澹澹晨光薄蘋末蕭蕭秋意新
聞道康衢和霽氣夜來鼓舞及堯民

地控漳東最上遊簷牙高啄白雲秋文窓耀日晴如拭
翼瓦翔煙曉欲流雅集衣冠儀楚楚遙臨軒旆影悠悠

欽定四庫全書

御選元詩

卷五十三

四

階前盈尺容相借收拾新詩入筆頭

月砌雲階背曲廊蘭房桂檨面黃堂簾櫳壓地全無暑
几席凌空刺有涼畫戟凝香鈴索靜玉虬吐水漏聲長
文章太守時閑適笑共賓僚酬一觴

四面山拋碧玉環當中亭子勢孱顏九天閭闔登臨外
五代封疆指顧間白鳥平蕪晴野闊蒼煙喬木夕陽閒
客來不盡興亡恨吟袖飄風月下還

陳善

奉和東維提學先生春日同閫帥韓侯太守王
公宴集草元閣席上孩字韻高作聊以塞責錄
呈同坐諸公發一笑云

嶰竹參差手自栽春明吹上望仙臺水流石澗桃花路
日湧天門海色開笠澤每移茶竈出鑑湖還棹酒船來
綺窓午醉醒來晚枕損黃金壓被孩

馬弓

陳檜

欽定四庫全書

御選元詩

卷五十三

五

古本凌空百尺過根盤如石鐵為柯濃陰不礙金蓮座
虛籟猶傳玉樹詞倦客解衣頻徙倚老禪卓錫定摩挲
雲門寺裏梁朝柏身上苔痕想更多

沙可學

詠懷

獨上高城望遠郊雁飛黃葉下蕭蕭天旋西極餘殘照
江湧狂波作暮潮塵世百年雙鬢改鄉關萬里一身遙
何由從獵灤河曲霜冷弓強鐵馬驕

黃公望

題關仝層巒秋霽圖 并序

關仝此卷雖祖洪谷子而間以王摩詰筆法融液
秀潤正其中歲精進之作也人謂有出藍之美詎
不信夫

群峯矗矗暮雲連
蘿磴逶迤鳥道懸
落葉深深門半掩
疎花歷歷客猶眠
巖端飛瀑為青雨
江上歸舟瀉碧煙
應識箇中奇絕處
昔年洪谷屬君傳

欽定四庫全書

御選元詩
卷五十三

郭忠恕仙山樓觀圖

漢主離宮最上頭
昔年曾侍翠華遊
青天半落銀河水
白日高懸華岳秋
花隱儀鑾臨閣道
仗移蕭鳳下瀛洲
三山更在齊州外
遙望蒼煙九點浮

吳鎮

陸探微負嶠仙遊

梅閣重重翠繞遮
時時雲氣颭平沙
千峰樹色藏朝雨
百道江聲送晚霞
洞古數留仙子蹟
溪迴深護羽人家

遨遊每憶無塵地
咫尺仍堪閱歲華

張僧繇霜林雲岫

六朝畫史知無幾
吳下僧繇獨擅場
百疊蒼巒浮障起
千林紺葉入雲長
低回野渡鐘聲遠
寂寞荒村樹影涼
咫尺披圖更蕭瑟
短詞何敢遂揄揚

盧鴻仙山臺榭

塵蹤何得此中遊
無數青山遶殿頭
爐篆浮烟朝靄靄
溪雲連樹晚油油
花香曲徑群麋聚
芸芷平田獨鶴遊
欲識仙家真樂處
一泓清瀨四山秋

欽定四庫全書

御選元詩
卷五十三

黃荃蜀江秋淨圖

暮煙漠漠一江秋
疎樹依稀見遠舟
風度鐘聲來古寺
人隨雁影過前洲
雲銷碧落天無際
波撼蒼山地欲浮
應識箇中清絕處
成都畫史筆端收

李咸熙秋嵐凝翠

雨過秋光映翠微
巖雲一抹澹荆扉
千山寂寂疎鐘杳
萬壑蕭蕭落木稀
澗水奔飛行路濕
松篁迴合野禽歸

征帆點點滄江上應羨山人種薝蔔

叔明松壑秋雲圖

萬壑濛濛磴道長崇岡交互轉蒼蒼疎松過雨虛闌靜
古木回風曲岸涼村舍幾家門半啓漁梁何處水流香
扁舟凝望雲千頃不覺西林下夕陽

方方壺畫

城市山林孰是非幽居能與世塵違函關紫氣青牛到
遼海秋風白鶴歸天鼓叩殘明月墮洞簫吹徹彩雲飛

欽定四庫全書

御選元詩
卷五十三

誰知寂寞江天外長使人間望少微

數載飄蓬事已非荆關咫尺世情違寒雲時向青山抹
野艇遙從白社歸幾處夕陽人共語一村流水鷺邊飛
知君紫府歸來後閒把丹青翫翠微

黃鎮成

春日東行

青郊冉冉散晴暉芳樹頻聞一鳥啼山驛水流花落盡
石田雲暖麥抽齊禪房鑿路當巖半釣屋維舟近竹西

行過野橋人語近尋源應到武陵谿

題秋江把釣圖

獨載輕舸過碧川一綸牽動楚江天蘆邊有月還吹笛
柳外無風不繫船留火夜然湘岸竹得魚朝送酒家錢
十年湖海真如畫亦欲狂歌一扣舷

遊麻姑山用蔣師文韻

紫霧龍鸞月裏遊白銀宮殿海中洲麻姑宴罷壇猶在
葛令丹成井獨留滴雨浮嵐空翠晚飛花散玉瀑簾秋

欽定四庫全書

御選元詩
卷五十三

誰能共食金先草來住仙家十二樓

晚晴書事

白鶴樓西晚雨涼欲晴山氣遠蒼蒼鴉銜落日歸平楚
雁背殘霞上越陽溪嶠築茅堪理釣畬田收秫好休糧
秋風有約巢雲去却擬狂歌學楚狂

平楚越陽郡
城二臺名

臨川青雲亭

平野荒荒雉堞低一峰欄檻與雲齊斗牛三尺龍光照
城郭千年鶴爪題白雨來時江水北青山盡處夕陽西

古來亦有憑高客樹影蒼涼繞大堤

題定武蘭亭

蘭紙香隨玉匣遺寶書天上世難知狼烽幾墮昆明劫
蟬翼猶傳定武碑曉雨苔花侵擣石秋山柿葉費臨池
東都已往誰能繼神物終煩謹護持

鼓山靈源洞

有劣崩天風海濤亭鳴水巖

劣崩峰頭萬丈梯上方高與白雲齊青山盡處海門闊
紅日上來天宇低喝水無人空宴坐磨崖有客謾留題

欽定四庫全書

御選元詩 卷五十三

十一

飄然欲御長風去一笑何煩過虎谿

舟過大茅洋

漲海渾茫寄一椽候神東去接方壺帆隨雪浪高還下
島浸冰天有若無雁影斜翻西日遠潮聲直上晚雲孤
投綸擬學任公子掣取封鱸飫萬夫

錢塘

雨過高風發屋聲吳中暑退即寒生晴光入眼園林薄
夜氣侵人枕簟輕寺鐸呼風宵自語鄰機織月曉猶鳴

江湖處處悲秋客起束歸裘不待明

贈葉山人

仙巖溪上葉山人手佩青囊太古文北極地從林邑下
南條山到蜀江分尋源屢識蛟龍宅探穴長隨虎豹群
更約秋風清霽日與君高蹋萬重雲

用鷺峰師韻送澗泉上人遊方十首

天台

天台上綵虹橋山下桃花帶露飄仙客雲霞迷舊路

欽定四庫全書

御選元詩 卷五十三

十二

化人宮殿現層霄穿林夜氣香為葢冠嶺晨光錦作標
若到上方應駐錫遙聞法鼓動春潮

雁蕩

雁山鐘磬半空聞雪嶺霞城此地分金塔影浮滄海月
寶臺光繞梵天雲禪機已熟能傳印世網難嬰易解紛
更上孤峰看瀑布願將餘瀝灌妖氛

補陀

潮音海洞石盤陀送子東遊奈別何日上扶桑天不遠

雲連析木地無多水王獻寶開丹穴星使通槎泛白波
見說蓬萊清淺處便從鵬翼起秋河

衡岳

身隨衡岳片雲來南極朱陵洞府開八桂山川臨鳥道
九疑風雨濕龍堆使華今日嚴珪幣祖印何年前草萊
直到無生參學畢逢人遮莫說輪迴

廬山

廬阜山陽幾勝遊竭來重為虎溪留千尋瀑布雲霞冷

欽定四庫全書

御選元詩

卷五十三

十三

九派江流日月浮白鹿盤盤高洞曉黃花采采故園秋
東南更有名監在莫道諸方訊已周

五臺

去禮文殊寶剎開倚空巒岫鬱崔嵬金函奉旨傳香至
白纓圖形載法來心鏡象懸天外月教筵獅吼地中雷
還將拂子閒拈起更上繡經第一臺

鍾山

一上鍾山萬慮消虛空樓閣翠宮堯金陵鬱鬱帝王宅

天塹悠悠南北朝月滿石城秋似水風高淮浦夜生潮
未應便作乘蘆去且聽仙人碧玉簫

靈隱

路入西山窈復深法筵應有聖僧臨兩峰塔影天垂蓋
千佛靈光地布金牛笛儻逢圓澤語龍宮還見閻仙吟
空中更上藏雲洞水樂泠泠奏八音

峨眉

峨眉樓閣現虛空玉宇高寒上界同茶鼎夜烹千古雪

欽定四庫全書

御選元詩

卷五十三

十三

花幡晨動九天風雲連太白開中夏日繞重元宅大雄
師去想無登陟遠祇應飛錫驗神通

五山

浮杯東渡海門潮驚嶺元闕路匪遙十載江湖曾慣歷
五山風月自相招呼猿洞口行雙澗放鶴亭邊入斷橋
直到妙高峰上望曇華天雨滿煙霄

送憲幕陳時中分題得平章河

海國相傳利澤功滄溟縹緲百蠻通潮來估客船歸市

月上人家水浸空
析木星辰三島外
樽桑宮殿五雲東
河梁此日重攜手
目送靈槎萬里風

陳柏

和王參政崔徽寫真韻

芳時無語惜年華
綵筆何心賦落霞
鏡裏自憐人似玉
天涯不隔貌如花
雙瞳蘸綠橫秋水
高結堆春彈碧鴉
猶勝無金買延壽
黑山空使夢還家

錦濟寶克

欽定四庫全書

御選元詩
卷五十三

十四

題徐良夫畊漁軒

白日帶經隴上鋤
夜間放棹澤中漁
有米即周鄰舍急
得魚遠寄故人書
山川雨露桑麻地
風月圖書水竹居
出處不慙徐孺子
文章能敵馬相如

李存

送倪東江之上元縣主簿

沙頭煙際挹征襟
嚼盡梅花出短吟
鄉黨又成千里別
功名聊盡百年心
東南形勢風流遠
吳晉山河蒼莽深

此去吟邊有高邁
客尊應與爾同斟

吳景奎

寄題天台楊道士素軒

梨雲漠漠護幽局
晏坐冥觀內景清
風露洗秋生灝白
雪霜驚曉眩空明
瓊樓奏樂霓裳冷
緱嶺吹笙鶴羽輕
窓戶玲瓏人寂寂
碧桃花下步虛聲

登台州巾山

崑崙雙峰著此身
危巔夜半見朝暾
天低古塔參雲閣

欽定四庫全書

御選元詩
卷五十三

十五

江送寒潮落海門
怡幘風高仙已去
翠微僧老鶴長存
下觀城郭紅塵隘
水色山光自吐吞

桐灘月夜舟中聞琵琶

湛湛長江上有楓
予懷渺渺水雲空
未誇滙浦逢商婦
賸喜桐灘有釣翁
欹枕醉眠秋渚月
亂帆爭趁夜潮風
曉寒難結思歸夢
一尺秋霜壓短篷

奉送江省都事納克烏裕除湖廣

蟾府秋花滿袖香
盱眙遺愛在甘棠
紫微幕下除書至

黃鶴磯頭驛騎忙風靜瘴雲消嶺海雨新春水滿瀟湘
庾公明月蘇公柳兩地高情屬省郎

夢仙

紫鸞遶夢到仙家結佩相逢萼綠華翠勺細傾千日酒
蜺旗斜插五雲車飛瓊鬢影含清露弄玉簫聲隔彩霞
杜宇無情驚覺後月痕猶在碧桃花

晚霽

雨晴秋氣轉蒼涼萬籟依稀奏羽商煙抹林腰橫束素
日迴山額半塗黃鷗鷺曠翅眠池草翡翠銜魚立野航
霜蟹正肥新酒熟破橙宜趁菊花香

和韻春日

雨香雲澹燕泥融珂馬如行罨畫中江上數峰浮暖翠
日邊繁杏倚春紅鶯花世界惟消酒水榭簾櫳易受風
陌上行人皆倒載未須拍手笑山公

遊絲舞蝶共徘徊野鳥空蒙拂面來風雨一時成晚霽
園林何處不花開江橫羅帶銀鷗起雲想衣裳玉女裁

欽定四庫全書

御選元詩

卷五十三

十六

賸喜麻姑能送酒只愁門外索空壘

春思

飛燕腰肢掌上輕塵生羅襪步盈盈綸魚不寐春無賴
箏雁頻移曲未成斂黛低鬟初破睡嚼花嚙蕊獨含情
許身肯作王孫女頭白哀吟對馬卿

舟次丹陽

舟次丹陽成陸走驅車長坂復經丘青山東去連京口
紅日西沈向石頭客路最嫌難戒曉鄉心生怕雁橫秋
明朝定宿烏衣巷斗酒還澆逆旅愁

自山中歸鑑湖別業

數椽茅舍清江曲六月炎天困鬱蒸賴有青山園故宅
歸來赤脚踏層冰石泉松籟為琴筑野蔌山肴薦豆登
明日迴頭望丘壑芙蓉半出白雲層

次韻荅錢思復并簡呂彥夫

相逢動是經年別笑指沙鷗聚舊盟芳草只添遊子恨
清風還有故人情薇花亭館春容老木葉林塘晚氣清

欽定四庫全書

御選元詩

卷五十三

十七

杜宇數聲愁不奈朝來白髮鏡中生

寒食

白雪氈氈鬢影斜風光流轉任年華
杯行不惜斟藍尾
春事如今到棟花車馬羽毛分戰士園林鐘鼓是誰家
側身北望空迴首愁絕吾生未有涯

夜宿葉孟咨書樓

小樓蕭爽俯平川市井收聲暮景懸
雲影消沈山外雨
月華浮動水中天船舷暝戛層簷底更漏時傳客枕邊
溪友幾番留我宿清談終夕不成眠

席上即事

華筵秩秩宴清宵拊掌歌呼飲興饒
罵坐灌夫元不屈
絕纓楚客去難招綠珠嬌小仍吹笛碧玉殷勤且合簫
待得月斜人散後一杯花露酒初消

陳方

送蔡霞外

不見道人今四載踈狂猶似舊時多
自言曾到神仙宅

公亦須吟離別歌澗草陰陰披紫萸
山花細細落青蘿
只愁骨相無清氣赤水元珠奈爾何

胡天游

贈余公圖畫樓

高人有眼看山川不費從來買畫錢
萬古丹青垂宇宙
百川樓觀倚風煙人行櫺葉林邊路鳥沒蘆花影裏天
我欲與公添一筆寒灘蓑笠釣魚船

牡丹花

相逢盡道看花歸慙愧尋芳獨後時
北海已傾新釀酒
東風猶鏤半開枝掃空紅紫真無敵看到雲仍未可知
但願倚闌人不老為公長賦謫仙詩

憶孟兄季弟

兄弟相看各一方別來俱各鬢成霜
江山十里猶此屋
風雨幾番能對牀海燕年深常作客塞鴻天遠不成行
擎杯莫負黃花酒來看南塘萬竹長

諷黃蘭谷

雨花風絮兩飄飄興味都非舊寂寥白足懶穿雲外履
翠箬低按月中簫重拈曉鏡添新髮旋試春衫減舊腰
金鎖玉函千載恨爭如雲雨自朝朝

陳植

次友仁泊舟虎丘獨步

西丘雨送落花村決決溪塘水漲渾樓閣日斜唯影立
輶轡泉滴尚聲喧無言蒼石空橫道傲世青山不出門
獨往忽驚春已去題詩猶記刻舟痕

張師曾

汪叔達歸鄱陽

攜書宛句識英翹幾度思親望斗杓歲晚客懷澆鑿落
雪晴歸路踏瓊瑤驂騑自是輕千里鴻鵠終當在九霄
此去明年相見日筆端定挽浙江潮

張知言

和吳閒閒送張元谷羽士

得道長生學賀元茫然空谷足音傳六龍朝罷香盈袖

欽定四庫全書

御選元詩
卷五十三

二十

獨鶴歸來月滿天葉玩山中仙子篆書裁圮上老人編
玉章秀句吳門贈好刻琅玕紀歲年

哈尚寶克

題趙彥徵畫赤驥一匹

松雪當年稱獨步子孫今日繼遺風香凝淡墨連錢碧
色染秋毫汗血紅濟濟奚官顏似玉昂昂龍種氣如虹
春風滿轡初牽出對立長鳴冀北空

何景福

欽定四庫全書

御選元詩
卷五十三

鼓角樓

警昏戒曉復司更矢棘輦飛結構成角韻喚醒晨過客
鼓聲催動夜巡兵龍吟一奏霜飛瓦鼉吼三通月滿城
自是太平無暴客金壺漏箭要分明

感興

世途無處不間關老我星星兩鬢斑江水送潮歸綠渚
谷風吹雨過黃山千金敝袴誰能買百石強弓每自彎
何事無心雲一片等閒飛去又飛還